



UNIVERSITÄTS-
BIBLIOTHEK
PADERBORN

Universitätsbibliothek Paderborn

Libellvs De Principalitate Romanæ Ecclesiæ

Roth von Schreckenstein, Hieronymus

Ingolstadii, 1550

VD16 R 3252

Colligere pius Lector poterit ex hac Lege.

urn:nbn:de:hbz:466:1-30126

DE PRINCIPALITATE

debet patrem, honorantes uestram Beatitudinem, omnia quæ ad Ecclesiarum statum pertinent, festinauimus ad notitiam deferre uestre sanctitatis. Quoniam semper nobis fuit magnum studium unitatem uestre Apostolicæ sedis & statum sanctarum Dei Ecclesiarum custodire. Qui hæc tenus obtinet & incommotè permanet, nulla intercedente contrarietate. Ideoq; omnes sacerdotes uniuersi Orientalis tractus & subijcere & unire sedi uestre sanctitatis properauimus.

*Colligere pius Lector poterit
ex hac Lege.*

- I. Imperatorem sedis Apostolicæ honorem reddere debere.
 - II. Summum Pontificè Romanum ut patrem honorare.
 - III. Omnia quæ ad statum Ecclesiarum pertinent ad Romanæ sedis noticiam festinanter deferre.
 - III. Unitatem Apostolicæ sedis et statum sanctarum Dei Ecclesiarum custodire.
 - V. Nullam contrarietatem in Ecclesia sustinere.
 - VI. Omnes Sacerdotes Romano Pontifici subijcere & properanter unire sedi Apostolicæ Romanæ.
- Quis potuisset breuioribus & sanctioribus uerbis officium Imperatoris, quo ad statum Ecclesiarum, exprimere & præmia etiam Imperatorum proposita Imperatoribus unitatem Romanæ Ecclesiæ seruantibus?

Ex hoc

ROMANAE ECCLESIAE.

Ex hoc constat Lector, quod unitas Ecclesiae nullis rurgis diuisa & infertis maculis ita demum seruetur si Romanae sedis Reuerentia conseruetur, et ei cuncta subijciuntur, & ad eius unitatem cuncta deducuntur. Propterea prolixioribus uerbis de unitate Ecclesiae scripsimus, Si enim unitas Ecclesiae seruanda est, necessario sequitur Romanam Ecclesiam esse principalem, et ad eius unitatem cuncta deducenda, quemadmodum ex hac elegantissima patet Epistola. Quae quoniam Codici Iustiniano inserta est plenissimum robur Imperatoriae constitutionis obtinere debet. Clarius autem Imperator Iustinianus super Principitate Romanae Ecclesiae decernens, inquit,

Nec enim patimur quicquam quod ad Ecclesiarum statum pertinet, quamuis manifestum & indubitatum sit, quod mouetur, ut non etiam uestrae innotescat sanctitati, quae caput est omnium sanctarum Ecclesiarum. Per omnia enim ut dictum est, properauimus honorem & auctoritatem crescere uestrae sedis.

CUI RESPONDET ITERVM

Pontifex, ut sequitur.

Liquet igitur Imperator gloriosissime, ut lectionis tenor & legatorum uestrorum relatio patefacit, Vos Apostolicis eruditionibus studere, cum de Religione Catholicae fidei ea sapitis, ea scripsistis, ea protulistis, ea populis